



Broj: 08-02-07/2-11-2-479-26/26

Dana: 17.08.2026.godine

Na osnovu člana 70. i 71. , u vezi sa članom 8. i 26. Zakona o javnim nabavkama ("Službeni glasnik BiH", broj: 39/14, 59/22, 50/24), članom 8. stav (2) tačka d) Pravilnika o uspostavljanju i radu Komisije za nabavke ("Službeni glasnik BiH", broj: 103/14), na Preporuku Komisije za provođenje postupka nabavke iz Zapisnika o pregledu i ocjeni konačnih ponuda broj: 08-02-07/2-11-2-479-25/26 od 12.08.2026. godine, policijski komesar Uprave policije Ministarstva unutrašnjih poslova Zeničko-dobojskog kantona, d o n o s i:

ODLUKU

o izboru najpovoljnijeg ponuđača "DANIAL S" d.o.o. Tešanj
u II fazi ograničenog postupka za "LOT 1: Nabavka pušaka"

I

Ugovor za "LOT 1: Nabavka pušaka" dodjeljuje se ponuđaču "DANIAL S" d.o.o. Tešanj sa ponudom u II Fazi, broj: 08-02-07/2-11-2-479-17/26 od 17.06.2026. godine, i ponuđenom cijenom u iznosu od 331.267,39 KM bez PDV-a, u koju je uračunat popust ostvaren na e-Aukciji u iznosu od 2,42%.

II

Odabrani ponuđač dužan je u roku od 5 (pet) dana od dana zaprimanja ove Odluke o izboru, na Protokol ugovornog organa dostaviti *originale ili ovjerene kopije* niže navedene dokumentacije, koja ne može biti starija od 3 (tri) mjeseca, računajući od momenta predaje zahtjeva za učešće/ponude:

- izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- potvrde nadležne/ih institucija o uredno izmirenim obavezama po osnovu direktnih i indirektnih poreza.

Za ispunjenje uslova iz člana 45. stav (1) tačka a) Zakona, a u vezi sa stavom (2) tačkom a) iste odredbe Zakona, ponuđač mora ispoštovati slijedeće:

Shodno mišljenju Suda BiH od 21.05.2019. godine, upućenog Agenciji za javne nabavke, u cilju urednosti ponuda, a prema članu 45. stav (1) tačka a), u vezi sa stavom (2) tačka a) istog člana Zakona, neophodno je da svaki kandidat/ponuđač kumulativno dostavi potvrdu Suda BiH i potvrdu suda prema sjedištu pravnog lica, odnosno kandidata/ponuđača, iz razloga što nije definisan Jedinstveni registar na nivou Bosne i Hercegovine, u koji bi se upisivale pravosnažne presude za osuđene za krivična djela organizovanog kriminala, korupcije, prevare i pranja novca.

Stoga, obaveza je kandidata/ponuđača da, u smislu odredbi člana 45. stav (1) tačka a), u vezi sa stavom (2) tačka a) iste odredbe Zakona, dostave uvjerenje Suda BiH i suda prema sjedištu

pravnog lica, odnosno kandidata/ponuđača.

III

Ova Odluka objaviće se na web stranici ugovornog organa (www.mupzdk.gov.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

IV

Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 08-02-07/2-11-2-479-1/26 od 11.2.2026. godine.

Javna nabavka provedena je putem ograničenog postupka nabavke.

Procijenjena vrijednost nabavke iznosila je za LOT 1: 342.180,51 KM bez PDV-a.

Obavještenje o nabavci broj: 30099-2-1-8-3-28/26, poslano je na objavu dana 20.2.2026. godine u 09,06 h, čiji je sažetak dana 27.2.2026. godine objavljen u "Službenom glasniku BiH", broj 16/26.

Komisija za javnu nabavku imenovana je Rješenjem broj: 08-02-07/2-11-2-479-3/26 od 20.2.2026. godine (I faza - pretkvalifikacija).

Komisija za javnu nabavku sačinila je Zapisnik o ocjeni zahtjeva za učešće u ograničenom postupku javne nabavke broj: 08-02-07/2-11-2-479-9/26 od 13.4.2026. godine (I Faza, I dio Zapisnika o ocjeni zahtjeva za učešće, sa II Dijelovima Zapisnika o ocjeni zahtjeva za svakog kandidata posebno), na osnovu kojih je ugovorni organ konstatovao da je Komisija blagovremeno i pravilno izvršila otvaranje ponuda i ocjenu istih, o čemu je sačinila gore pomenuti Zapisnik, iz kojih je utvrđeno sljedeće:

- da su se do roka određenog za dostavljanje ponuda, 3 (tri) ponuđača prijavila za učešće u I fazi - pretkvalifikacija i to ponuđači: "KM TRADE" d.o.o. Visoko, "SHOT" d.o.o. Zenica i „DANIAL S" d.o.o. Tešanj;

- da ponude svih ponuđača ispunjavaju sve zahtjeve ugovornog organa u formalno-pravnom, ekonomskom i tehničkom smislu, tj. da su iste za ugovorni organ prihvatljive.

Shodno rezultatima I faze - pretkvalifikacija, ugovorni organ donio je Odluke o rezultatima pretkvalifikacije koje su dana 20.4.2026. godine dostavljene gore pomenutim ponuđačima, svakom zasebno.

Dana 6.5.2026. godine donesen je Poziv broj: 08-02-07/2-11-2-479-13/26 od 6.5.2026. godine za dostavljanje ponuda u II fazi ograničenog postupka nabavke.

Komisija za provođenje II faze imenovana je Rješenjem o imenovanju Komisije za nabavku broj: 08-02-07/2-11-2-479-14/26 od 20.5.2026. godine.

Komisija za javnu nabavku sačinila je Zapisnik o prijemu ponuda broj: 08-02-07/2-11-2-479-18/26 od 18.06.2026. godine, Zapisnik sa otvaranja ponuda broj: 08-02-07/2-11-2-479-18/26 od 18.06.2026. godine, Zapisnik o pregledu i ocjeni konačnih ponuda 08-02-07/2-11-2-479-25/26 od 12.08.2026. godine, na osnovu kojih je ugovorni organ konstatovao da je Komisija blagovremeno i pravilno izvršila otvaranje ponuda i ocjenu istih, o čemu je sačinila gore pomenute Zapisnike, iz kojih je utvrđeno sljedeće:

- da su se do roka određenog za dostavljanje konačnih ponuda 3 (tri) ponuđača prijavila za predmetno javno nadmetanje i to ponuđači: "KM TRADE" d.o.o. Visoko, "SHOT" d.o.o. Zenica i „DANIAL S" d.o.o. Tešanj;

- da ponude svih ponuđača ispunjavaju sve zahtjeve ugovornog organa u formalno-pravnom, ekonomskom i tehničkom smislu, tj. da su iste za ugovorni organ prihvatljive.

Prilikom pregleda ponude ponuđača „KM TRADE" d.o.o. Visoko Komisija je utvrdila računsku grešku koja se odnosi na stavku pod rednim brojem 1. Obrasca za cijenu ponude (Aneks II) u smislu da kada se ponuđena jedinična cijena od 4.880,00 KM bez PDV-a pomnoži sa traženom količinom od 70 komada, cijena iznosi 341.600,00 KM bez PDV-a, a ne kako je u ponudi navedeno 342.160,00 KM bez PDV-a. Aktom broj 08-02-07/2-11-2-479-19/26 od 19.06.2026. godine od strane ponuđača „KM TRADE" d.o.o. Visoko tražen je prihvrat ispravke uočene i navedene računске greške, koji je svojim aktom broj: 507/26 od 19.06.2026. godine istu i prihvatio.

Pri pregledu ponude ponuđača „DANIAL S" d.o.o. Tešanj ustanovljeno je da postoji potreba pojašnjenja shodno odredbama člana 68. stav 3. Zakona o javnim nabavkama Bosne i

Hercegovine kataloga traženog tačkom 2.6 Poziva za dostavljanje ponuda u II fazi ograničenog postupka nabavke, kako bi se moglo uporediti da li ponuđeno odgovara tehničkim specifikacijama traženog. Konkretno, na stranici 17. ponude dostavljen je dokument-katalog koji sadrži, kako memorandum ponuđača, tako i memorandum proizvođača, u kojem je navedeno da je ponuđeni model puške B&T AG APC223 264mm-automatska puška. Budući da je na zvaničnoj stranici proizvođača (<https://bt-ag.ch/en/>) ponuđeni model puške označen kao poluautomatska puška, utvrđena je potreba pojašnjenja da li je katalog koji je dostavljen u ponudi izradio proizvođač ili u suprotnom, da li je isti odobren od strane proizvođača, te da li je ponuđeni model B&T AG APC223 264 mm automatska ili poluautomatska puška. U cilju navedenog ponuđaču „DANIAL S“ upućen je akt broj: 08-02-07/2-11-2-479-21/26 od 16.07.2026. Odgovorom broj: IP/457/26 od 17.07.2026. godine u dijelu koji se odnosi na katalog ponuđač „DANIAL S“ dao je objašnjenje na način da je u sklopu ponude dostavljena autorizacija proizvođača za ovlaštenje za ponudu proizvoda, te da je isti odobren od strane proizvođača. U vezi pitanja da li je ponuđeni model puške automatska ili poluautomatska dato je objašnjenje da se javno dostupna internet stranica proizvođača odnosi na proizvode namijenjene civilnom tržištu, dok se katalogi i tehnička dokumentacija za proizvode namijenjene vojnim i policijskim korisnicima dostavlja direktno od strane proizvođača ovlaštenim partnerima i krajnjim korisnicima. Također, pojašnjeno je da je u Uputstvu za upotrebu dostavljenom u sklopu ponude navedeno da ponuđeni model puške posjeduje tri režima (SAFE, SINGLE i FULL AUTO) što nedvosmisleno potvrđuje da se radi o automatskoj puški. Uz predmetni dopis ponuđaj je dodatno dostavio i tehnički list proizvođača kao dokaz da se radi o automatskoj puški. Budući da je dostavljeni dokument sadržavao oznaku „APC556 PRO“, a da je predmet ponude model puške „AG APC223 264 mm“ aktom broj 08-02-07/2-11-2-479-22/26 od 21.07.2026. od ponuđača traženo je dodatno pojašnjenje navedene oznake. Svojim aktom broj: IP/465/26 od 22.07.2026. godine ponuđač „DANIAL S“ d.o.o. Tešanj dao je pojašnjenje da se referenca „APC 556“ odnosi na internu oznaku predmeta/projekta kod dobavljača, te da proizvođač koristi oznake APC 223 i APC 556 za isti kalibar 5.56 mm (.223 Remington/5.56 x 45 mm), pri čemu se razlikuje samo način označavanja za civilno i vojno/policijsko tržište uz priloženi dokaz sa zvanične stranice proizvođača na kojem je vidljiva objedinjena oznaka „APC556/223“.

Dana 03.08.2026. godine sa početkom u 10,00h, započeta je e-Aukcija između gore pomenutih, prihvatljivih ponuda.

Početna rang lista ponuđača koji su pozvani da učestvuju na e – Aukciji:

RB	Naziv ponuđača	Početna cijena u KM bez PDV-a	Rang
1.	„DANIAL S“ d.o.o. Tešanj	339.000,00	1
2.	"KM TRADE" d.o.o. Visoko	341.600,00	2
3.	"SHOT" d.o.o. Zenica	341.950,00	3

Aukcija je okončana dana 03.08.2026.g. u 10,30h.

Konačna rang lista ponuđača koji su učestvovali na e-Aukciji, kako slijedi:

RB	Naziv ponuđača	Konačna cijena u KM bez PDV-a	Umanjenje cijene	Rang
1.	DANIAL S" d.o.o. Tešanj	331.267,39	2,42%	1
2.	"SHOT" d.o.o. Zenica	331.460,00	3.07%	2
3.	"KM TRADE" d.o.o. Visoko	341.600,00	0%	3

Slijedom navedenog izvršeno je rangiranje prihvatljivih ponuda prema kriterijumu za izbor ponude:

LOT 1

Naziv ponuđača	Početna cijena ponude bez PDV-a	Popust	Početna cijena ponude bez PDV-a, sa popustom prije e aukcije	Konačna cijena ponude bez PDV-a, sa popustom nakon e aukcije	Rang
DANIAL S" d.o.o. Tešanj	339.000,00 KM	Ne	339.000,00 KM	331.267,39	1
"SHOT" d.o.o. Zenica	341.950,00 KM	Ne	341.950,00 KM	331.460,00	2
"KM TRADE" d.o.o. Visoko	341.600,00 KM	Ne	341.600,00 KM	341.600,00	3

Shodno navedenom, ponuđač DANIAL S" d.o.o. Tešanj odabran je na osnovu ponuđene cijene u iznosu od 331.267,39KM bez PDV-a, u koju je uračunat popust ostvaren na e-Aukciji u iznosu od 2,42%.

PRAVNA POUKA:

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa u postupku javne nabavke, ima pravo uložiti žalbu na postupak u pisanoj formi u roku od 10 (deset) dana po prijemu odluke o izboru najpovoljnijeg ponuđača.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno, elektronskim putem ili preporučenom poštanskom pošiljkom.

2 POLICIJSKI KOMESAR
GENERALNI INSPEKTOR POLICIJE

Admir Gazić

DOSTAVLJENO:

1. Ponuđači, 1x-
2. Sektor za mat.-fin.poslove, 1x.-
3. Spis, 1x.-